



**Republika e Kosovës**  
**Republika Kosova – Republic of Kosovo**  
**ORGANI SHQYRTUES I PROKURIMIT**  
**TELO ZA RAZMATRANJE NABAVKE**  
**PROCUREMENT REVIEW BODY**

Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë  
Tel: 383 38 312 309 email: [oshp@rks-gov.net](mailto:oshp@rks-gov.net)

**OSHP: 2023/0947**  
**Data e Vendimit: 07.12.2023**

Në bazë të nenit 105 pika 1 dhe 2 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të ankesës së Operatorit Ekonomik DEMOS SH.P.K., lidhur me aktivitetin e prokurimit “FURNIZIM ME UNIFORME POLICORE” me nr. të prokurimit: 214-23-8647-1-1-1, iniciuar nga POLICIA E KOSOVËS në cilësinë e Autoritetit Kontraktues, Kryetari i panelit shqyrtues, Isa Hasani me datën 07.12.2023, mori këtë:

## **Vendim**

1.Hedhet poshtë si e palejuar ankesa e operatorit ekonomik OE “DEMOS SH.P.K.”, e parashtruar në Organin Shqyrtues të Prokurimit me datën 27/11/2023, numër protokolli 2023/0947, për aktivitetin e prokurimit FURNIZIM ME UNIFORME POLICORE me nr. të prokurimit: 214-23-8647-1-1-1, iniciuar nga POLICIA E KOSOVËS.

2.I lejohet, autoritetit kontraktues – POLICIA E KOSOVËS që të vazhdojë më tutje me aktivitetin e prokurimit “FURNIZIM ME UNIFORME POLICORE”, me numër të prokurimit 214-23-8647-1-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

3.Në përputhje me nenin 31 pika 4, të Rregullores së Punës së OSHP-së, operatorit ekonomik ankues i kthehet tarifa e ankesës në shumën e deponuar me rastin e parashtrimi të ankesës. OE ankues obligohet që konform nenit 31 pika 6 të Rregullores së Punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën i bëhet konfiskimi i depozitës, dhe këto mjete kalojnë Buxhetin e Republikës së Kosovës.

## Arsyetim

### *-Faktet dhe rrethanat procedurale-*

Organi Shqyrtues i Prokurimit në sistemin elektronik me datë 27.11.2023 ka pranuar ankesën me nr.947/23 nga OE DEMOS SH.P.K. lidhur me aktivitetin e prokurimit me titull“FURNIZIM ME UNIFORME POLICORE me nr. të prokurimit: 214-23-8647-1-1-1, iniciuar nga POLICIA E KOSOVËS, në cilësinë e Autoritetit Kontraktues.

Me datë 26.09.2023 Policia e Kosovës ka publikuar B05-Njoftimin për kontratë lidhur me aktivitetin e lartcekur. Sipas këtij njoftimi afati i fundit për pranimin e tenderëve është 27.11.2023.

Me datë 22.11.2023 OE DEMOS SH.P.K. kishte bërë kërkesë për rishqyrtim pranë AK-së. Ndërsa me datë 23.11.2023 AK ka refuzuar kërkesën për rishqyrtim të operatorit ekonomik si të pajueshme.

### *- Vlerësimi dhe administrimi i provave –*

Nga provat e prezantuara vërtetohet se për aktivitetin e prokurimit “FURNIZIM ME UNIFORME POLICORE me nr. të prokurimit: 214-23-8647-1-1-1, iniciuar nga POLICIA E KOSOVËS, njoftimi për kontratë është publikuar në sistemin e-prokurimi me datë 26.09.2023, afati i fundit për pranim të tenderëve ishte data 27.11.2023. Ndërsa me datë 22.11.2023 OE DEMOS SH.P.K.. kishte bërë kërkesë për rishqyrtim pranë AK-së te cilën Autoriteti Kontraktues me datën 23.11.2023 ka refuzuar kërkesën për rishqyrtim të operatorit ekonomik si të pajueshme.

Zyra për pranimin e ankesave, pas pranimin të ankesës, gjatë verifikimit nëse ankesa është dorëzuar sipas rregullave dhe dispozitave ligjore, ka konstatuar se ankuesi kërkesën për rishqyrtim tek Autoriteti Kontraktues e ka paraqitur jashtë afateve ligjore.

Ankuesi ka qenë i obliguar që në pajtim me paragrafin 3.1 të nenit 108/A të LPP-së, brenda afateve ligjore të parashtroj kërkesë për rishqyrtim në AK dhe vetëm pas udhëheqjes së

procedurave paraprake në AK, Operatori ekonomik në pajtim me nenin 109 të LPP-së do të mund ti drejtohet me ankesë OSHP-së.

Po ashtu, edhe neni 60.1 pika a) në Rregulloren 001/2022 për Prokurim Publik përcakton se: *Kurdo që kërkesa për rishqyrtim ka të bëjë me njoftimin e kontratës ose me dokumentet e tenderit se paku pesë (5) ditë para afatit të fundit për dorëzim të ofertave. Në kalkulim të afateve kohore dita e dorëzimit të ofertave është dita (0).*

Duke u bazuar edhe në interpretimin e KRPP-së të datës 07.11.2023 dhe dispozitave të lartcekura OSHP thekson se sipas Njoftimit për kontratë afati i fundit për pranim të tenderëve ishte data 27.11.2023, andaj OE ankues DEMOS SH.P.K. ka qenë i obliguar të paraqes kërkesë për rishqyrtim deri me datën 21.11.2023 deri në ora 16:00.

Konstatohet se ankesa e parashtruar në Organin Shqyrtues të Prokurimit me datë 27.11.2023 nga OE DEMOS SH.P.K. për aktivitetin e prokurimit me titull: "FURNIZIM ME UNIFORME POLICORE me nr. të prokurimit: 214-23-8647-1-1-1, iniciuar nga POLICIA E KOSOVËS, hedhet si e pa lejuar sepse ankuesi nuk ka parashtruar kërkesën për rishqyrtim brenda afateve ligjore kundër njoftimit të Autoritetit Kontraktues. Andaj Organi Shqyrtues i Prokurimit sqaron se vetëm pas udhëheqjes së një procedure paraprake të rregullt dhe brenda afateve ligjore pranë AK, ankuesi mund ti drejtohet me ankesë OSHP-së.

Si përfundim kjo ankesë është në kundërshtim me nenin 108/A të Ligjit për Prokurim Publik, dhe nenit 60 të Rregullores 001/2022 për Prokurim Publik, dhe si e tillë hedhet si e pa lejuar dhe nuk hynë në shqyrtim nga OSHP.

I lejohet, autoritetit kontraktues – POLICIA E KOSOVËS që të vazhdojë më tutje me aktivitetin e prokurimit "FURNIZIM ME UNIFORME POLICORE", me numër të prokurimit 214-23- 8647-1-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

Megjithatë, OSHP gjithnjë niset nga rregullat, zgjidhjet dhe parimet e LPP sipas të cilit secili AK ushtron pavarësinë e tij/sajë në kuptim të nenit 8 dhe 9 lidhur me planifikimin e prokurimit dhe parashikimin e nevojave, mirëpo kriteret e parapara gjithnjë duhet ta garantojnë barazinë e OE të cilët parashihen si të tillë edhe me DT e cila në kuptim të nenit 27, lidhur me nenin 28, përbën dokumentin kyç të prokurimit publik. Prandaj në kuptim të nenit Neni 51 (Njoftimi i Kriterëve të Përzgjedhjes) të LPP, sipas të cilit të gjithë kriteret e përzgjedhjes duhet të kufizohen vetëm në kriteret e nevojshme për të siguruar se vetëm operatorët ekonomik që posedojnë aftësitë e nevojshme profesionale, financiare dhe teknike për ti përmbushur kushtet e kontratës përkatëse do të konsiderohen të kualifikuar për të marrë një kontratë të tillë ose për marrjen e ftesës për tenderim. Dhe se, në asnjë rast, autoriteti kontraktues nuk duhet që të përfshijë, saktësojë ose përdorë kriteret e përzgjedhjes që bazohen në konsiderata të tjera përveç atyre të lejuara nga

dispozitat e neneve 65-70 të këtij ligji. Andaj Paneli Shqyrtues i vë në dijeni AK se në çdo aktivitet duhet të veproj konform dispozitave dhe autorizimeve ligjore siç parashihen ato me nenet 1,6,7, 27,28,51,59,60, 69 të LPP.

Lidhur me tarifën ankimore vendoset në përputhje me 31 pika 4, të Rregullores së Punës së OSHP-së, operatorit ekonomik ankues i kthehet tarifa e ankesës në shumën e deponuar me rastin e parashtrimit të ankesës. OE ankues obligohet që konform nenit 31 pika 6 të Rregullores së Punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën i bëhet konfiskimi i depozitës, dhe këto mjete kalojnë Buxhetin e Republikës së Kosovës.

Kryetari i panelit shqyrtues, duke u bazuar në atë që u tha si më lartë, vendosi si në dispozitiv të këtij vendimi.

**Këshillë juridike:**

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komeriale në Prishtinë, dhoma e shkallës së parë, në afat prej 30 ditësh nga e pranimi të këtij vendimi.

**Vendimi t'i dorëzohet:**

- AK - POLICIA E KOSOVËS
- OE - DEMOS SH.P.K.
- Arkivës së OSHP-së:

